

YANGI

O‘ZBEKISTON

Ijtimoiy-siyosiy gazeta

№ 1 (1600), 2026-yil 1-yanvar, payshanba



www.yuz.uz



yuz.uznews



yuz_official



yuz.uz_news



yuz.uz_news



O‘ZBEKISTON XALQIGA YANGI YIL TABRIGI



Qadrli vatandoshlarim!

Siz, azizlarni, ko‘p millatli butun xalqimizni kirib kelayotgan yangi 2026-yil bilan chin yurakdan muborakbod etaman.

O‘tib borayotgan yil xalqimiz hayotida katta o‘zgarishlar, ertangi kunga mustahkam ishonch va ulkan natijalar yili bo‘ldi.

Dunyodagi murakkab vaziyatga qaramasdan, biz o‘z oldimizga qo‘ygan barcha maqsad va marralarga erishdik. O‘zbekiston yalpi ichki mahsuloti hajmi ilk bor 145 milliard dollardan oshdi va mamlakatimiz o‘rta daromadli davlatlar qatoridagi o‘rmini mustahkamladi.

Iqtisodiy o‘rta savarasi odamlarimiz hayotida, oilalar daromadida, mahallalar qiyofasida, yoshlarimizning kelajakka bo‘lgan ishonchida yaqqol namoyon bo‘lmoqda.

O‘tayotgan yilda har bir oila, har bir xonadonda xursandchiliklar, baxtli onlar ko‘p bo‘ldi.

Yangi uyga ko‘chib kirgan, o‘z biznesini yo‘lga qo‘ygan yoki kengaytirgan, daromadi oshgan, ilm-fan, sport, madaniyat va boshqa sohalarida o‘zi yoki farzandlarining yutuqlaridan quvongan millionlab oilalarning shodligi 2026-yildagi maqsadlarimizga erishish yo‘lida bizga albatta katta kuch beradi.

Aziz yurtdoshlarim!

Biz kelgusi yilda ham har bir oilaning baxtli, farovon va sog‘lom hayot kechirishi, yoshlarimizning sifatli ta‘lim olishlari, kelajak kasblarini egallashlari va sport bilan muntazam shug‘ullanishlari uchun yangi-yangi imkoniyatlarni ishga solamiz!

Biz 2026-yilni “Mahallani rivojlantirish va jamiyatni yuksaltirish yili” deb e‘lon qildik.

Yangi yilda minglab mahallalar infratuzilmasini yaxshilab, ularga Yangi O‘zbekiston qiyofasini olib kiramiz.

Barcha iqtisodiyot tarmoqlarini texnologik va innovatsion o‘rta modeliga o‘tkazamiz. Xalqimizning daromadi va xarid qobiliyatini oshirish ishlarini yanada jadallashtiramiz.

Aholining yordamga muhtoj qatlamlari, muhtaram keksalarimiz, qadrli xotin-qizlar va navqiron yoshlarimizni qo‘llab-quvvatlashni kengaytiramiz.

Ekologiyani yaxshilash, “yashil” energetikani rivojlantirish va suv resurslaridan oqilona foydalanish bo‘yicha ta‘sirchan choralarni davom ettiramiz.

Bir so‘z bilan aytganda, yangi 2026-yilda ham barcha islohotlarimiz, sa‘y-harakatlarimiz odamlarimiz yaxshi yashashi va biznes uchun eng qulay sharoitlarni yaratishga qaratiladi.

Tajribali mahalla raislari va faollari, ziyolilar, tadbirkorlarimiz, serg‘ayrat yoshlarimiz, keng jamoatchiligimiz, har bir vatandoshimiz ushbu olijanob ishlarga munosib hissa qo‘shadi deb ishonaman!

Aziz vatandoshlarim!

Yangi yil arafasida har bir oila yaxshi niyatlar qiladi, har bir inson qalbida yorqin orzu-umidlari jo‘sh uradi.

Har birimizning pok niyatlarimiz, ezgu maqsadlarimiz 2026-yilda albatta amalga oshsin!

Yangi yil har bir oilaga sihat-salomatlik, baxt-saodat, qut-baraka, yurtimizga yuksak taraqqiyot, tinchlik-xotirjamlik olib kelsin!

Yaratgan Parvardigor Vatanimizni asrasin, xalqimiz hayotini yanada yaxshilash yo‘lidagi ishlarimizda madadkor bo‘lsin!

Yangi yil barchamizga muborak bo‘lsin, azizlarim!

Shavkat MIRZIYOYEV,
O‘zbekiston Respublikasi
Prezidenti

SAMIMIY QUTLOVTLAR

Kirib kelayotgan yangi 2026-yil munosabati bilan O‘zbekiston Respublikasi Prezidenti Shavkat Mirziyoyev nomiga xorijiy davlatlar, parlamentlar va hukumatlar, nufuzli xalqaro va mintaqaviy tashkilotlar, yetakchi moliyaviy institutlar rahbarlari, taniqli siyosatchilar, jamoat va din arboblari samimiy tabrik va tilaklar kelmoqda.

Qutlovlarida Prezidentimiz rahbarligida Yangi O‘zbekistonda barpo etish strategiyasi doirasida amalga oshirilayotgan keng ko‘lamli siyosiy yangilanishlar va ijtimoiy-iqtisodiy islohotlarga yuksak baho berilgan. Mamlakatimizning xalqaro maydondagi mavqei va nufuzi tobora mustahkamlanib borishiga xizmat qilayotgan proaktiv, ochiq va pragmatik tashqi siyosatning samaralari alohida qayd etilgan.

Xorijiy hamkorlar O‘zbekiston yetakchisi va ko‘p millatli xalqiga yangi yilda tinchlik-osoyishtalik, baxt-saodat, farovonlik, katta muvaffaqiyatlar va ravnaq tilaklarini izhor etmoqda.



O‘zbekiston Respublikasi
Prezidenti Shavkat Mirziyoyev
Janobi Oliylariga

Hurmatli Shavkat Miromonovich!

Yangi yil bayrami munosabati bilan samimiy tabriklarimni qabul qiling.

O‘tayotgan yil Rossiya – O‘zbekiston aloqalari uchun juda muvaffaqiyatli bo‘ldi. Davlatlarimiz siyosiy, savdo-iqtisodiy, gumanitar va boshqa sohalarida, MDH, SHHT va boshqa ko‘p tomonlama tuzilmalar doirasida samarali hamkorlik qilib kelmoqda.

Moskva va Toshkent o‘rtasidagi keng qamrovli strategik sheriklik va ittifoqchilik munosabatlarini do‘st xalqlarimiz farovonligi, mintaqaviy va xalqaro miqyosda xavfsizlik va barqarorlikni mustahkamlash yo‘lida bundan buyon ham har tomonlama rivojlantirishimizga ishonaman.

Sizga, muhtaram Shavkat Miromonovich, oilangiz va yaqinlaringizga mustahkam sog‘liq, baxt-saodat va muvaffaqiyatlar, O‘zbekistonning barcha fuqarolariga esa tinchlik-osoyishtalik, farovonlik va ravnaq tilayman.

Hurmat bilan,

Vladimir PUTIN,
Rossiya Federatsiyasi Prezidenti



O‘zbekiston Respublikasi
Prezidenti
Shavkat Mirziyoyev
Janobi Oliylariga

Hurmatli Shavkat Miromonovich!

Kirib kelayotgan yangi 2026-yil munosabati bilan samimiy tabriklarimni qabul qilgaysiz!

Sizga bitmas-tuganmas kuch-g‘ayrat, oilaviy farovonlik va qardosh O‘zbekiston xalqining ravnaqi yo‘lidagi mas‘uliyatli davlatchilik faoliyatingizda yangi zafarlar tilayman!

Qosim-Jomart TOQAYEV,
Qozog‘iston Respublikasi
Prezidenti



O‘zbekiston Respublikasi
Prezidenti Shavkat Mirziyoyev
Janobi Oliylariga

Hurmatli Shavkat Miromonovich!

Sizni kirib kelayotgan Yangi yil bayrami bilan samimiy muborakbod etaman.

O‘tgan yil Qirg‘iziston – O‘zbekiston munosabatlarining amaliy mazmunini yanada mustahkamlash va kengaytirish yili bo‘ldi.

Ishonchga asoslangan siyosiy muloqotning yuqori darajasi va erishilgan kelishuvlar ikki mamlakatning strategik sherikligini yangi bosqichga ko‘tardi.

Ishonchim komilki, kelgusi yilda ham ko‘p qirrali hamkorligimiz do‘stlik va o‘zaro ishonch asosida, qardosh xalqlarimizning tinchligi va bardavom farovonligini ta‘minlashga qaratilgan holda muvaffaqiyatli rivojlanishda davom etadi.

Sizga, muhtaram Shavkat Miromonovich, mustahkam sog‘liq, davlat rahbari sifatidagi faoliyatingizda muvaffaqiyatlar, qardosh o‘zbek xalqiga esa tinchlik-osoyishtalik va ravnaq tilayman.

Hurmat bilan,

Sadir JAPAROV,
Qirg‘iz Respublikasi Prezidenti



O‘zbekiston Respublikasi
Prezidenti Shavkat Mirziyoyev
Janobi Oliylariga

Qadrli Shavkat Miromonovich!

Sizni kirib kelayotgan Yangi yil bayrami bilan chin qalbimdan tabriklayman!

Shu munosabat bilan Sizga va Sizning yaqinlaringizga mustahkam sog‘liq, baxt-saodat va farovonlik, birodar O‘zbekiston Respublikasi xalqiga esa tinchlik, barqarorlik va yanada izchil taraqqiyot tilayman.

2025-yilda mamlakatlarimiz o‘rtasidagi do‘stlik va ko‘p qirrali hamkorlik munosabatlari yuqori sur‘atni saqlab qolgani hamda xalqlarimiz farovonligi yo‘lida izchil rivojlanishga qaratilgan yangi qo‘shma qadamlar bilan nishonlanganini mamnuniyat bilan ta‘kidlash joiz.

Ishonchim komil, kirib kelayotgan 2026-yilda ham davlatlarimizning samarali hamkorligini yangi amaliy mazmun bilan boyitamiz.

Strategik sheriklik va ittifoqchilik ruhida ishonchli davlatlararo muloqotni davom ettirishdan mamnun bo‘laman.

Hurmat bilan,

Emomali RAHMON,
Tojikiston Respublikasi Prezidenti



SHUKRONALIK
SAODATI

2

ULARNING
HAR BIRINI
PORLOQ KELAJAK
KUTADI

“Prezident archasi” bayram tadbirlarida davlatimiz rahbari tashabbusi bilan yangicha an‘ana yo‘lga qo‘yildi. Yangi yil sovg‘asiga qo‘shimcha ravishda bolalar uchun omonat depozit hisobraqamlari ochilyapti. 8000 dan ortiq yetim va ota-onasi qaramog‘idan mahrum bo‘lgan 17 yoshgacha bo‘lgan o‘g‘il-qizlar uchun ochilgan ushbu hisobraqamlarga davlat tomonidan 500 AQSH dollari miqdorida mablag‘ joylashtirilmoqda.

2



YIL
SARHISOBI

YANGI O‘ZBEKISTON
sari katta qadam

3

Davomi 2-betda

Sanjar ESHMURODOV,
“Yangi O‘zbekiston” muxbiri

YANGI O'ZBEKISTON sari katta qadam

Iqtisodiy barqarorlik, aholi farovonligi yo'lida yilning eng muhim voqealari

2025-yil O'zbekistonda yuz yillikka tatigulik, tarixga zarhal harflar bilan yoziladigan muhim voqealarga boy bo'ldi. Keling, o'ziga xos ayni sarhisob pallasida yurt taraqqiyoti, xalqimiz farovonligi, yangi O'zbekistonning xalqaro maydondagi imijini yanada yuksaltirishga zamin yaratayotgan mana shunday muhim tashabbuslar, erishilgan tarixiy natijalarga bir qur nazar tashlaymiz. Aslida, ularni birma-bir sanasak, ko'p sahifali kitoblarga ham sig'masligi aniq. Shuning uchun ortda qolgan yilning eng muhim voqealari va ko'rsatkichlarini alohida keltirishga qaror qildik.

EKOLOGIK MUVOZANATNI SAQLASH VA SUV SIYOSATI:

IQTISODIY BARQARORLIK YO'LIDA:

- Prezidentimiz 26-dekabr kuni Oliy Majlis va O'zbekiston xalqiga navbatdagi Murojaatnomasini yo'lladi. So'nggi to'qqiz yilda jamiyatimiz va davlatimiz bosib o'tgan katta taraqqiyot yo'li teran hamda xolis tahlil qilingan Murojaatnomada 2026-yilda amalga oshiriladigan eng muhim 6 ta ustuvor yo'nalishdan iborat istiqbol dasturi taqdim etildi. Ijtimoiy-iqtisodiy taraqqiyot shiddatidan kelib chiqib, "O'zbekiston — 2030" strategiyasini qayta ko'rib chiqish tashabbusi ilgari surildi.
- 2025-yilda O'zbekiston yalpi ichki mahsuloti tariximizda birinchi marta 145 milliard dollardan oshdi.
- Yetakchi xalqaro reyting agentliklari mamlakatimizning suveren reytingini "BB-"dan "BB" pog'onasiga ko'tardi. Iqtisodiy barqarorlik yuqori baholanishida oltin-valyuta zaxiralarimiz mamlakat tarixida ilk bor 60 milliard dollardan yuqori bo'lgani hamda eksport hajmi 23 foiz oshib, 33,4 milliard dollarga, xorijiy investitsiyalar qiymati 43,1 milliard dollarga yetkazilgani ham zamin hozirladi.
- O'zbekiston JSTga a'zo bo'lish uchun zimmasiga olgan majburiyatlarni to'liq bajardi. 2026-yilda mamlakatimizning tashkilotga a'zo bo'lishi kutilmoqda.
- 35 milliard dollar sarmoya evaziga 9000 dan ortiq yangi korxona, 300 mingga yaqin yuqori daromadli ish o'rni tashkil etildi.

IJTIMOIIY HAYOT YO'NALISHIDA:

- Mamlakatimizda kambag'allik darajasi 2025-yil boshidagi 8,9 foizdan 5,8 foizga tushdi. Qariyb 1,5 million ehtiyojmand kishi kambag'allikdan chiqarilib, ilk bor 1435 ta mahalla kambag'allikdan xoli hududga aylandi. Natijada 2026-yil yakuni bilan kambag'allikni 2 karra qisqartirish bo'yicha olingan marra 2025-yilning o'zida uddalandi.
- 5 million fuqaro daromadli bo'ldi, ishsizlik darajasi 5,5 foizdan 4,9 foizga tushdi. Ishsizlik 2 karra qisqardi.
- Bolalarning maktabgacha ta'lim tashkilotlariga qamrovi darajasi 27 foizdan 78 foizga oshdi. Yoshlarning oliy ta'limga qamrovi esa 9 foizdan 42 foizga yetdi.

BUNYODKORLIK YO'NALISHIDA:

- Aholiga 8 million 100 ming kvadrat metrli 135 ming xonadondan iborat ko'p qavatli uylar topshirilmoqda. Odamlarning o'zi ham yashash sharoitini yaxshilash uchun 19 million kvadrat metr maydonda qurilish qildi. Biznes vakillari tomonidan 24 million kvadrat metr noturar joy obyektlari barpo etildi.
- Yangi Toshkentda Olimpiya shaharchasi barpo etildi hamda Andijon viloyatidagi 4000 gektar maydonda yangi shahar — Bobur shahri, Xorazm viloyati Xiva shahrida "Arda Xiva" xalqaro turizm markazi qurib bitkazildi.

SPORT yo'nalishida:

— FUTBOL BO'YICHA O'ZBEKISTON MILLIY TERMA JAMOASI TARIXDA ILK BOR JAHON CHEMPIONATI YO'LLANMASINI QO'LGA KIRITDI.

- O'zbekiston shaxmatchisi Javohir Sindorov Hindiston mezbonlik qilgan FIDE jahon kubogi — 2025 finalida g'olib bo'ldi. E'tiborlisi, shaxmatchimiz chempionat tarixidagi (19) eng yosh jahon kubogi sohibiga ham aylandi.
- Sportchilarimiz Yoshlar paraosiy o'yinlarida 125 oltin, 77 kumush va 52 bronza medalni qo'lga kiritib, ishtirokchi davlatlar orasida eng yuqori natijani qayd etdi.
- Saudiya Arabistonida bo'lib o'tgan futbol bo'yicha U-17 yosh toifasidagi Osiyo kubogida O'zbekiston o'smirlar terma jamoasi chempion bo'ldi.

O'ZBEKISTON — XALQARO MULOQOT MAYDONI:

- Samarqand shahrida UNESCO Bosh konferensiyasi keyingi qirq yilda ilk bor Fransiya'dan tashqarida — madaniyatlar chorrahasi, sivilizatsiyalar beshigi bo'lmish ko'hna kentda o'tkazildi.
- Samarqand "Markaziy Osiyo — Yevropa Ittifoqi" birinchi sammitiga mezbonlik qildi.
- Ko'hna va hamisha navqiron shaharda Xalqaro iqlim forumi o'tkazildi.
- Toshkent shahrida Parlamentlararo Ittifoqning 150-yubiley assambleyasi o'tkazildi.
- Poytaxtimizda Markaziy Osiyo davlatlari rahbarlarining yettinchi Maslahat uchrashuvi bo'lib o'tdi.

- "Yashil makon" umummilliy loyihasi doirasida 200 milliondan ortiq daraxt va buta ko'chati ekildi, 208 ta bog' va park, shuningdek, Orolbo'yida ekologik vaziyatni barqarorlashtirish maqsadida 150,7 ming gektar himoya o'rmoni barpo qilindi.
- O'zbekiston Respublikasining Suv kodeksi tasdiqlandi. Bu bilan mamlakatda suv munosabatlari sohasidagi asosiy huquqiy hujjatlar tizimlashtirildi. Xususan, O'zbekiston Respublikasining "Suv va suvdan foydalanish to'g'risida"gi qonuni, shuningdek, Prezidentimizning 8 ta farmoni va 14 ta qarori hamda hukumatning 26 ta qaroridagi normalar birlashtirildi.
- 188 ta mahalladagi 715 ming odam yashaydigan xonadonlarga birinchi marta toza ichimlik suv kirib bordi. Yana 2 million 300 mingga yaqin fuqaroning suv ta'minoti yaxshilandi.

ENERGETIKA YO'NALISHIDA:

- Elektr energiyasi ishlab chiqarish hajmi ilk bor 85 milliard kilovatt-soatga, e'tiborlisi, mamlakatimiz elektr energiya ishlab chiqarish tarmog'ida ishlab chiqarilayotgan jami generatsiya quvvatlarida "yashil" energiya ulushi 30 foizga yetkazildi.
- 5-dekabr kuni Prezidentimiz boshchiligidagi qariyb 11 milliard dollarlik 42 ta energiya ishlab chiqarish va saqlash quvvatlari hamda boshqa infratuzilma inshootlari faoliyati yo'lga qo'yildi. Navbatdagi 21 tasning qurilishi boshlandi.

TRANSPORT- LOGISTIKA YO'NALISHIDA:

- Toshkent viloyatida yangi xalqaro aeroport qurilishiga start berildi. O'rta Chirchiq va Quyi Chirchiq tumanlaridagi 1300 gektar maydonda barpo etilayotgan multimodal aeroport Markaziy Osiyoda shu yo'nalishdagi eng katta loyihadir. "Toshkent-Humo" xalqaro aeroporti foydalanishga topshirildi.
- Yer osti va yer usti metropoliteni liniyalarining umumiy uzunligi 70,5 kilometrta, bekatlar soni 29 tadan 50 taga yetkazildi. Metro bir kunda 900 ming yo'lovchiga xizmat ko'rsatmoqda.
- Oxirgi uch yilda avtoyo'l sohasiga qariyb 40 trillion so'm ajratilib, 63 ming kilometr yo'lga qurilish-ta'mirlash ishlari bajarildi. Sohaga xorijdan jalb qilinayotgan mablag' 3 barobar oshib, 2025-yilda 1,2 milliard dollarga yetdi.
- Yangi O'zbekiston ko'chasi bo'ylab uzunligi 468, kengligi 25 metr bo'lgan yer osti avtomobil yo'li barpo etildi. U soatiga 10 mingdan ziyod avtomobilni o'tkazish imkoniyatiga ega. Mazkur yo'nalishda loyihalashtirilgan metro yo'li uchun tunnel va bekat ham qurildi.

XALQARO HAMKORLIK YO'NALISHIDA:

- Prezidentimiz AQSHga amaliy tashrifi doirasida BMT Bosh Assambleyasining 80-yubiley sessiyasida nutq so'zladi. AQSH Prezidenti Donald Trump bilan uchrashdi, o'zaro muloqotlarda O'zbekiston va AQSH o'rtasida 100 milliard dollardan ortiq qiymatdagi istiqbolli shartnomalar imzolandi.
- O'zbekiston Respublikasi va Yevropa Ittifoqi o'rtasida kengaytirilgan sheriklik va hamkorlik to'g'risidagi bitim imzolandi.
- Prezidentimizning Fransiya davlat tashrifi doirasida ushbu davlat yetakchi kompaniyalari bilan O'zbekistonda 6,5 milliard yevrolik istiqbolli kooperatsiya loyihalarini amalga oshirishni nazarda tutuvchi kelishuvga erishildi.
- Davlatimiz rahbari Tokioda "Markaziy Osiyo + Yaponiya" muloqotining birinchi sammitida ishtirok etdi. Rasmiy tashrif doirasida iqtisodiy zonalarini rivojlantirish, qishloq xo'jaligi, tibbiy asbob-uskunalar yetkazib berish va tadbirkorlikni qo'llab-quvvatlash bo'yicha yangi kelishuvlarga erishildi.



O'rta maktabni tamomlab, tuman kasb-hunar bilim yurtida tahsil oldim. Bir necha yillardan buyon irrigatsiya sohasida ishlayapman. Hozir Quyi Zarafshon irrigatsiya tizimlari havza boshqarmasi huzuridagi Karmana-Konimex irrigatsiya tizimi boshqarmasi Konimex tumanlararo gidrouchastkasi kanal boshlig'i sifatida xizmat qilyapman.

Imkoniyatim cheklangan bo'lsa-da, yaratilgan sharoit sabab sportda yutuqlarga erishdim. Shu tufayli cheklang imkoniyatlar yo'li o'childi. So'nggi yillarda mamlakatimizda parasporga e'tibor yangi bosqichga ko'tarildi. Buning samarasi o'laroq, qizim ikkimiz yuksak natijalarga erishyapmiz. Biz hozir nafaqat sog'lig'imiz, balki jahon chempioni bo'lish maqsadida ham ko'proq harakat qilypmiz.

Qizim ikkimizning hayotimizdagi o'zgarishlar hozir Beruniy tumaniida imkoniyat cheklangan insonlarni sport orqali sog'lomlashtirish, jamiyatning faol a'zosiaga aylantirish borasidagi amaliy ishlar samarasiga misol bo'la oladi. Paraspot – nogironligi bo'lgan insonlarga o'zini namoyon qilishi uchun yaxshi maydon. Qolaversa, sog'lom turmush tarzini shakllantirish, jamiyatdagi faol ishtirokiga munosib zamin hozirlaydi.

Bir kuni qizim Umida parasportga borishini
orzu qilishini aytdi. Ko'ngli o'ksik qizimga
dalda berish maqsadida otasining ruxsati bilan
Beruniy tumanidagi sport zaliga olib bordim.
Qizimni parapauerlifting bo'yicha murabbiy
Tal'at Usenov shogirdlikka oldi. Haftada uch
marta qizimni sport to'garigiga olib bordim.
Qarasak, qizimda ushbu sport turiga qobiliyat
bor ekan. Dastlab qizim tuman bosqichidagi
musobaqada o'rin egalladi.

Qizimga ko'maklashib yurib, o'zim ham
ushbu sport bilan shug'ullana boshladim.
Buni sezgan murabbiy menga parapauerlifting
bilan jiddiy shug'ullanishni maslahat berdi.

Suv eng aziz ne'mat. Buni, ayniqsa, avoivilliklar juda yaxshi his etadi. Shu bois, uni adrlash, tejab, samarali foydalanish biz uchun lohiida dolzarb masala. O'zbekiston Markaziy Bosyo mintaqasidagi yirik suv'oriladigan naydonda ega mamkakat. Yurtimizda ekin naydolanilari suv'orish, qolaversa, ichimlik suv'orilari daryo va ko'llardagi chuchuk suv'usurlarga bog'liq.

bevosita agrolomik va suv tejoychi vositalar ko'llanishi bo'yicha yordam ko'rsatdik. Natijada ular davlatga don va paxta sotish rejalarini ortig' bilan bajardi.

Umuman, 2025-yil biz uchun juda samarali bo'ldi. Qolaversa, deyarli 30 yillik faoliyatim mehnatim ham aynan shu yilda e'tirof etildi. Qishloq xo'jaligi xodimlari kunida "Shuhrat" medali bilan tangirladim.

Men rahbarlik qilayotgan gidrouchastkalararo tumanlararo va 96 kilometr xo'jaliklararo kanal va ariqlar qurilmoqda. Ushbu kanallar yordamida tumanlararo qishloq xo'jaligi ekinlari va chorvachilik uchun maydonlari doimiy ravishda suv bilan ta'minlab kelinmoqda.

2025-yil fermer xo'jaliklari, dehqonlarimizga zarur suv ta'minoti, uni tejash va mo'l hosilga erishishda yaxshi ko'rsatkichlar yili bo'ldi. Yurtimiz bo'ylab qator istiqbolli loyihalar amalga oshdi va jadal davom etmoqda. Bularning barchasi biz kabi soha vakillari uchun unutilmas quvonchli onlar hisoblanadi.

Lekin men uchun eng qimmatli yutuq bilimimni boshqalar bilan baham ko'rish fikrini ko'niyatib bo'ldi. MCHJ huzurida o'quv markazi ochib, tomoqchilikka qiziqadiganlarga issiqxonadan samarali foydalanish, yerni qimmatligini oshirish va bozor talablariga mos mahsulot yetishtirish bo'yicha tajribamizni "rgatpyamiz. Natijada birgina Bog'ishamol nahallasida 35 nafar, tuman bo'yicha esa 100 dan ortiq fuqaro o'quv markazimizda tajriba olib, issiqxona ochdi. Ularning daromad to'loq-payotganini ko'rib, minnatdorlik so'zlarini ishitiib, o'zimni juda ham baxtiyor his qilaman. "Kelajak bunyodkori" medali hayotimni "zgaritirdi. U menga to'xtab qolishga haqqim o'qligini, har bir ishim bilan ishonchini oqlashim erakligini uqtirdi. Endi shuncha yarasha talaba marallarni oldim. Yoli'ni yirik issiqxona hajmulari barpo etib, aholini yil davomida qarqor ish bilan ta'minlamoqchiman. Xalqaro amkorlikni yo'liga qo'yib, eksport hajmini shirkochimiz. Muhimi, qishloqda mehnat olib ham munosib daromad topish, hayotni "zgaritish mumkinligini yoshlarga o'z ishim bilan ko'rsatishni istayman.

Irrigatsiya tizimida mehnat qilayotganimga 46 yil bo'ldi. Ana shu o'tgan yillar davomida sohaning past-balandiga ko'p bora duch keldim. Ammo ilgari so'ngi yillardagi kal suvga e'tiborni, soha rivoji uchun keng ko'lamda amaliy ishlar qiliganini ko'rgan emasman. Farg'ona viloyatida sug'oriladigan asosiy ekin maydonlari qo'shni respublikalardan oqib keluvchi Norin, Isfayram, Shohimardon, So'x va Isfara daryolaridan suv ichadi. Bu suvning har tomchisidan samarali va maqsadli foydalanish talab etiladi. Kasbim taqozosi sabab har tong suv yoqalab yurishni odat qilganman.

**Bahodir SHENAZAROV,
Norin-Fargʻona irrigatsiya
tizimi boshqarmasi
bosh mutaxassisi, “Mehnat
shuhrati” ordeni sohibi**

Suvni belgilangan hududlar bo'ylab to'g'ri va xolis taqsimlab berish, behuda yo'qotishlarga yo'l qo'ymaslik bugunning muhim amallaridan

Men minnat qilayotgan Norin-Farg'ona irrigatsiya tizimi boshqarmasi Farg'ona viloyatining 9 ta tumanidagi 55 ming gektar ekin maydonlariga suv yetkazib beradi. Keyingi yillarda suv tejaydigan texnologiyalarni jori etishni davlat tomonidan qo'llab-quvvatlash bo'yicha yangi tizim yaratildi. Subsidiyalar natijasida mexanizmi yo'lga qo'yildi. Tomchilatilgan sug'orish tizimi jori qilingan yer maydonlari 5 yil muddatga yer solig'idan ozod etildi. Avval bunday imtiyoz va imkoniyatlar yo'q edi. Betonlashmagan, o'z vaqtida kovlab qozalanmagan ariqlar, texnika va texnologiyalar yetishmasligi sun'ing behuda isrofi bo'lishiga olib kelgan. Endi bu borada tizimli ishlar qilinayapti. Vakolat va imkoniyatlar yanada kengaydi. Tizima ilim-fan, yangi texnologiyalar kirib qoldi. Birgina misol, sug'orishda tejamkor usullar haqida tezkor axborot, uning afzalliklarini tushuntirish muhim. Shu bois "Tomchi" mobil ilovasi yaratildi. Ushbu ilova suvni tejaydigan texnologiyalarni jori etishning taxminiy bahosini hisoblash imkonini beradi.

Muhimi, belgilangan mezonlar asosid.
 pudrat korxonalarining indikator ko'rsatkichlarini
 tahlil qilinib, mobil ilovada e'lon qilinib
 borilmoqda. Shuningdek, suvni tejaydigan
 texnologiyalarni joriy qilgan qishloq xo'jaligi
 mahsulotlari ishlab chiqaruvchilariga

subsidiyalar berishning shaffof mexanizmini
yo'lga qo'yish maqsadida "Agro-subsidiya"
yagona axborot tizimi yaratildi.

Umuman, bunday islohotlar irrigatsiya tizimida ish samaradorligini oshirishga xizmat qilyapti. Shu kunga qadar Norin-Farg'ona irrigatsiya tizimi boshqarmasiga qarashi 70 kilometrli Bag'dod yo'jalik-1 kanali betondir. Bu suv sarfini kamaytirish, Oltiariq, Rishton va Bag'dod tumanlaridagi iste'molchilarni doimiy suv bilan ta'minlaydi. Uchko'prik tumanidagi "Tarag'qiyot-2" kanal nasos stansiyasidagi modernizatsiya ishlari hisobiga 300 gektardan ortiq qishloq xo'jaligi yerlarini sug'orish bilan bog'liq muammolar barham topdi. Hozir ekin maydonlarini bir maromda suv bilan ta'minlash maqsadida 1084 ta gidrotexnik inshoot, 240 kilometrdan ziyod kanal va kollektor orqali iste'molchilarni suv bilan uzluksiz ta'minlash borasida "yo'l xaritalari" ishlab chiqilgan.

Ortda qolgan yil hayotimda unutilmas voqealarга boy bo'ldi. Chunki biz uchun suv o'z vaqtida yetarlicha borib turgan har bir kun muhim hisoblanadi. Yurtimizdagi ishlohtlar sabab bunday quvunchli kunlarimiz mo'la bo'ldi. Yana bir quvunch — Qishloq xo'jaligi xodimlari kuni munosabati bilan kamtarona mehnatim yuksak baholaniб, "Mehnat shuhrati ordeni" bilan taqdirlandim.

Shu kunlarda har bir kishi 2025-yilni arishib qilmoqda. Kimdir yutuqlarga erishdi, kimdir rejaralarini bajarishda bir oz kechikdi. Shunisi aniqlik, aksariyat yurtdoshlarimizda yil o'ziga xos yaxshi voqealarga bo'y o'tdi. Boisi, tobora rivojlanib borayotgan yurtda ishlarimiz faqat oldinlab bormoqda. Xususan, men kabi oddiy hunarmand uchun ham 2025-yil kattal o'zgarishlarga bo'y bo'ldi.

Kashtachilik — qadimiy hunar. Ilk bor un-
tumdin o'rganganman. Bu hunar bir qarashda
qiziq ishdke ko'rinishi mumkin. Lekin buning
ichun, eng avvalo, sabr, matonat zarur. Bundan
tashqari, badiiy havaskorlik, san'atga oshuqatli-
lik etiladi. O'sha bolalik dalarim hamon
odladim chiqmaydi. Buvim qo'liga igan oldimi
siz, qizlar atrofida paydo bo'lardik. U, albatta
tiro matol yoki erak boshlardi. Shuni eshitish
avomida bilib-bilgaman holda kashtachilik
larini o'rganib borardik. Gohida o'lanlar ayt-
berardi. Biz mirigib eshitardik. O'shanda buvim
Xunarli kishi hech qachon xor bo'lmagan
hazal ham, bundan keyin ham shunday bo'ladi".
"Eya ko'p gapirardi. Bolaligimda bu gaplarga
ncha e'tibor bermasdim. Bugun buni tushunib
otdim.

O'zim ikkinchi guruh nogironimam. Shu
 abab biror ish bilan shug'ullanishga imkonin
 o'q edi. Yoshlikda o'rganganlarim foyda
 'ldi. Dastlab uyda kashta tikishni boshladim.
 ayyor buyumlarini qayerda sotishni bilmasdim.
 kilanib, qishlog'imiz ayollariga ko'rsatdim
 qishqichlar topildi. Asta-sekin buyurtmalarda
 ilishni boshladim. Xaridorlar o'zi so'ralar
 eladigan bo'ldi. Talab ortib borgan sa
 elargha bir o'zim ulgurmay qoldim. So'n
 shni qizlarni shogirdlikka oldim. Ularg
 unlar o'rgatib, bajargan ishiga qarab, maosh
 era boshladim. Ulardan ko'rib, boshqalar
 am qiziqdi. Bu orada tadbirkorlar uchun qat
 imiyozlar yaratildi. Yakka tadbirkor sifati
 avlat ro'yxatidan o'tdim. Shundan so'n
 hamalimizdagi ishsiz xotin-qizlar bandligini
 masmiv ravishda ta'minlashni boshladim. Hozir

Sayyora TURDIQULOVA, “Jasorat” medali sohibi

20 kishi men bilan birga mehnat qiladi. Bundan tashqari, 30 ga yaqin shogirdim bor. Ular ham kasnachilik orqali uyini o'tirib, pul topmoqda.

Doromadim ham yaxshi. Bir oyda o'tiracha 15-20 million so'm afrodiya beroladi. Ishimni asosan qo'l mehnati. Shu sabab mahsulotimizga ko'proq xorijlik mehnatlar qiziqish bildiradi.

2025-yil men uchun juda omadli keldi. Mustaqillik bayrami arafasida yaqinlarim bordan tabriklay ketdi. Rosti, hech narsadan xabarim yo'q edi. Bilsam, "Jasorat" medalini bilan taqdirlanibman. Buni eshitib, boshim ko'kka yetdi. Ishonasismi, bir oygacha o'sha hayajon, ko'tarikiliklil sira tark etmadim. Kamtarona mehnatlarim yuksak taqdirlangan hayotga ishonchimni yana bir bor oshirdim.

Bu yurtda har bir inson e'tiborda ekanini angladim. Rag'batdan ruhlanib, yanada yangi ishlarni boshlashni maqsad qildim. Kelgusida to'liq loyihalarini amalga oshirib, ko'proq ish o'rni yaratmoqchiman. Imkoniyati cheklangan xotin-qizlar bandligini ta'minlash borasida, ham alohida rejam bor. Har bir yil 2025-yildagi omadli bo'lsin, 2026-yil barchaga quvonch olib kelsin!

PREZIDENT MUROJAATNOMASI:
O‘ZBEKISTON TARAQQIYOTINING
STRATEGIK DASTURI

O‘zbekiston Respublikasi Prezidentining Oliy Majlis va xalqimizga yo‘llagan bu galgi Murojaatnomasi o‘z ahamiyatiga ko‘ra har yilgi siyosiy Murojaatnoma doirasidan ancha keng. U mamlakatning sifat jihatidan yangi rivojlanish bosqichiga – islohotlarni institutsional mustahkamlash va uzoq muddatli istiqbolga mo‘ljallangan barqaror o‘shish modelini shakllantirishga o‘tishini qayd etuvchi strategik hujjatdir.



Eldor ARIPOV,
O‘zbekiston Respublikasi
Prezidenti huzuridagi Strategik
va mintaqalararo tadqiqotlar
instituti direktori

hisobiga eksport hajmi bir necha barobar ko‘paydi.

Makroiqtisodiy muvozanat alohida e‘tiborga loyiq. Iqtisodiyot va investitsiyalarning o‘shishi davlat qarzining nazorat qilnadigan darajasi va moliyaviy barqarorlik saqlanib qolgan holda kechdi. Bu juda muhim. Chunki so‘nggi yillar tajribasi tegishli muvozanatlash jadal o‘shish ko‘pincha kelajakdagi rivojlanish uchun cheklavlarni o‘planishiga olib kelishini ko‘rsatadi. Murojaatnomada ta‘kidlanishicha,



O‘zbekiston ongli ravishda ehtiyotkorona, ammo strategik jihatdan manfaatli yo‘nalishni tanlab olgan.

So‘nggi o‘n yillikdagi dinamikani taqqoslash muhim strategik xulosa chiqarish imkonini beradi: O‘zbekiston kelajakdagi rivojlanish iqtisodiyot ko‘lami bilan emas, balki uning sifati bilan belgilanadigan bosqichga yaqinlashdi. Shuning uchun ham



2010-yillarning o‘rtalarida tovarlar va xizmatlar eksporti hajmi 12-13 milliard dollar atrofida bo‘lgan, so‘nggi yillarda esa bu ko‘rsatkich barqaror ravishda 24-25 milliard dollardan oshmoqda. Bu o‘shish nafaqat narx konyunkturasini tufayli, balki eksport tarkibining o‘zgarishi hisobiga ham yuz berdi. Bu o‘zgarish asoslash sohalarida yaqqol namoyon bo‘lmoqda. To‘g‘riqachilik mahsulotlari eksporti o‘n yilda uch baravardan ziyod oshdi — 1 milliard dollardan kamroq ko‘rsatkichdan qariyb 3 milliard dollargacha va undan ortiq. Bu xomashyo eksportidan tayyor mahsulotga o‘tishni aks ettiradi. Xuddi shunday o‘shish sur‘ati elektrotexnika, kimyo va oziq-ovqat sanoatida ham ko‘rinmoqda. Ushbu sohalarida ishlab chiqarish zanjirining kengayishi va yangi bozorlarga chiqish

Murojaatnomada mehnat unumdorligini oshirish, texnologik yangilash va sanoatlashirishni chuqurlashtirish vazifasi markaziy o‘rinni egalladi.

O‘n yil avvalgi boshlang‘ich nuqta bilan solishtirganda mamlakat iqtisodiyoti yanada keng ko‘lamli, diversifikatsiyalangan va barqaror bo‘ldi. Bu o‘zgarishlar aholi farovonligini oshirish, O‘zbekistonning mintaqaviy va global iqtisodiyotdagi o‘rinni mustahkamlash uchun uzoq muddatli strategik asos hozirlaydi.

Murojaatnomaning eng muhim xususiyatlaridan biri davlat va fuqarolar o‘rtasidagi aloqaning yorqin ifodasi bo‘ldi. Buni, ayniqsa, amalga oshirilayotgan islohotlarning aholi ehtiyojlariga qanchalik mos kelayotganida ham ko‘rish mumkin.

Ayol qadri
ULUG‘LANGAN JAMIYAT

Davlatimiz rahbarining Oliy Majlis va ko‘p millatli xalqimizga yo‘llagan Murojaatnomasida ilgari surilgan g‘oyalarni davlat siyosatining ustuvor yo‘nalishlarini aniq belgilab berdi. Ana shu ustuvorliklar orasida oila va xotin-qizlar siyosati nafaqat ijtimoiy masala, balki milliy taraqqiyotning hal qiluvchi omili sifatida e‘tirof etildi.



Zulayho MAHKAMOVA,
Bosh vazir o‘rinbosari — Oila va
xotin-qizlar qo‘mitasi raisi

sodiq qolishimiz, yosh avlodimizni ayni shu ruhda tarbiyalashimiz kerak”, dedi davlatimiz rahbari. Bugun demokratik jamiyatda turli fikr va qarashlar mavjudligi tabiiy hol. Biroq barchani birlashtiradigan, umummilliy manfaat sifatida qabul qilinadigan ustuvor g‘oya bor bu — Vatan va xalq manfaatidir. Ana shu g‘oyani hayotga tatbiq etishda mahalla tizimining o‘rni beqiyos. Mahalla



tinch va ahil bo‘lsa, jamiyat barqaror bo‘ladi. Mahalla rivojlansa, butun mamlakat yuksaladi. Shu ma‘noda, 2026-yilning “Mahallani rivojlantirish va jamiyatni yuksaltirish yili” deb e‘lon qilinishi chuqur o‘ylangan ijtimoiy-siyosiy qarordir.

Ushbu ustuvor yo‘nalishlar asosida qabul qilinadigan davlat dasturi mahallani mehroqib, hamjihatlik, adolat va tarbiya maskaniga aylantirishni ko‘zda tutadi. Bu jarayonda xotin-qizlarning o‘rni alohida ahamiyat kasb etadi. Chunki mahallada ma‘naviy muhitni shakllantirish, oila barqarorligini ta‘minlash, yosh avlod tarbiyasida ayollar hal qiluvchi kuchdir.

Murojaatnomadagi yana bir muhim yo‘nalish iqtisodiyotni texnologik va innovatsion o‘shish modeliga o‘tkazishdir. 2026-yilda yana 1 million kishini doimiy ish bilan ta‘minlash, 181 ming oilani kambag‘allikdan chiqarish, kambag‘allik va ishsizlik darajasini 4,5 foizga tushirish kabi vazifalar aniq va mas‘uliyatli maqsadlar sifatida qo‘yildi. Bu raqamlar ortida, avvalo, millionlab oilalar taqdiri, xotin-qizlarning ijtimoiy himoyasi va iqtisodiy barqarorligi turibdi.

Xotin-qizlar va bolalarni zo‘ravonlikdan himoya qilish masalasiga mutlaqo aniq va prinsipial yondashuv bildirildi. Bu yondashuv davlatning huquqiy pozitsiyasi bilan birga jamiyatning ijtimoiy, axloqiy va ma‘naviy yo‘nalishini ham belgilab bermoqda. Ayol qadri ni ulug‘lash, bola huquqlarini ta‘minlash xalqimizning asrlar davomida shakllangan ma‘naviy mezonlari, bu qadriyatlar yangi O‘zbekiston taraqqiyotining ma‘naviy poydevori ekanini alohida ta‘kidlandi.

“Hech qachon unutmaylik, oilaviy zo‘ravonlik — bu faqat oilaning ichki ishi emas, bu — butun jamiyatga tegishli masala. Ayolni o‘z muammosi bilan yolg‘iz tashlab qo‘yishga hech kimning haqqi yo‘q!” dedi davlatimiz rahbari.

Zo‘ravonlik — inson qadriga tajovuz, bola taqdiriga beparvarlik va jamiyat barqarorligiga tahdid. Bu borada davlat, parlament va fuqarolik jamiyati institutlarining hamjihatligi hal qiluvchi ahamiyat kasb etadi. Murojaatnomada

Mamlakatimizda keyingi yillarda oila va xotin-qizlarga oid davlat siyosati tubdan yangicha mazmun kasb etdi. Bu siyosatga alohida yo‘nalish yoki tor ijtimoiy masala sifatida emas, aksincha, inson qadri ni yuksaltirish, jamiyat barqarorligini ta‘minlash va mamlakat taraqqiyotining strategik asosi sifatida qaralmoqda. Xotin-qizlarni qo‘llab-quvvatlash, oila institutini mustahkamlash, ijtimoiy himoya va iqtisodiy faollikni oshirishga qaratilgan izchil islohotlar yurtimizda insonparvar davlatchilik modelini shakllantirmoqda.

Yurtimiz bo‘ylab bayram shukhi keziy yurgan shu kunlarda xotin-qizlarning jamiyat taraqqiyotidagi o‘rni, salohiyati va fidokorona mehnatini yuksak e‘tirof etuvchi muhim tadbir bo‘lib o‘tdi. Oila va xotin-qizlar qo‘mitasi tomonidan an‘anaviy tarzda o‘tkaziladigan “Yil ayoli” milliy tanlovi hamda “Eng namunali xotin-qizlar faoli” tanlovining respublika bosqichi g‘oliblari taqdirlandi.

Tanlovning tuman va shahar bosqichlarida minglab ayollar ishtirok etgani, finalga esa barcha hududdan eng faol, tashabbuskor va jamiyat ishonchini qozongan xotin-qizlar yetib kelgani uning keng qamrovli va ijtimoiy ahamiyati yanada yuksalganini yaqqol namoyon etdi. Respublika bosqichida 13 ta nominatsiya bo‘yicha g‘oliblar aniqlanib, zamonamizga xos — ilm-fan, tadbirkorlik, ma‘naviyat, ta‘lim, sog‘lom turmush tarzi va ijtimoiy tashabbuslarda peshqadam, shu bilan birga, farzand tarbiyasida alohida maktab yaratgan uy bekalari bo‘lgan ayollar kasb etildi. “Yil ayoli — 2025” Gran-pri sohibi Gulmira Jumayevaning hayoti yo‘li sabr, matonat va fidokorlik timsolidir. U uzoq yillar mehnat migratsiyasida yurib, hayot sinovlarini mardona yengib o‘tgan. Vatanga qaytgach esa xotin-qizlarga yaratilayotgan keng imkoniyatlardan oqilona foydalanib, bugun tadbirkorlik va ekologiya sohalarida samarali faoliyat yuritmoqda. Ish o‘rinlari ochish, atrof-muhitni muhofaza qilishga qaratilgan tashabbuslari bilan jamiyat taraqqiyotiga munosib hissa qo‘shayotgan Gulmira Jumayeva ushbu samarali ishlari uchun Prezidentimiz sovg‘asi — avtomobil bilan taqdirlandi.

Ilm-fan va innovatsiya yo‘nalishida esa “Yil ayoli” milliy tanlovining 1-o‘rin sohibi Dildora Muhamedovaning sun‘iy intellekt va tibbiyot integratsiyasiga qaratilgan ilmiy ishlanmalari nafaqat fan sohasida, balki sog‘liqni saqlash amaliyotida ham keng ijtimoiy ahamiyat kasb etib, aholi salomatligi muhofazasiga xizmat qilayotir.

Shuningdek, tanlov g‘oliblari orasida tadbirkorlik orqali minglab ish o‘rinlari ochgan, ilm-fan va innovatsiyani amaliyotga tatbiq etgan, mahalla va jamiyat hayotida faol ishtirok etib kelayotgan ayollar bor. Ayniqsa, “Matonati ayol” nominatsiyasiga sport sohasida yurtimiz sharafiga munosib himoya qilgan qizimiz Husniyabonuning onasi loyiq ko‘rildi va uning ko‘p yillik mehnati e‘tirof etildi. Zoro, sportchi qizimizning tarixiy yutuqlari ortida onasining bemisl matonati, sabri va shukronasi turibdi.

Mahalladagi ezgu tashabbuslarni respublika miqyosida samarali harakatga aylantirgan “Eng namunali xotin-qizlar faoli” tanlovi g‘oliblarining taqdirlanishi ham davlat va jamoatchilik o‘rtasidagi ishonchli ko‘priks sifatida ayollar faolligining naqadar muhim ekanini yana bir bor tasdiqladi.

Ushbu tanlovlar yangi O‘zbekistonda xotin-qizlarga yaratilayotgan keng imkoniyatlar, ularning salohiyatiga ishonch va davlat siyosatida ayol, inson qadri yuksak o‘rin tutayotganining amaliy ifodasidir. Bunday fidoyi ayollarning zamonamiz qahramonlari sifatida e‘tirof etilishi esa bugungi islohotlarning to‘g‘ri va izchil yo‘lda davom etayotganini tasdiqlaydi.

Yangi O‘zbekistonda xotin-qizlar huquqlari himoyasini tubdan kuchaytirish, ularning turmush sharoitini yaxshilash, ta‘lim olishi va salohiyatini tor‘yobga chiqarish uchun keng imkoniyat yaratishga ustuvor ahamiyat qaratilmoqda.

Murojaatnomada ilgari surilgan g‘oyalarni, olitita muhim ustuvor yo‘nalish ham aynan bu boradagi siyosiy irodaning mantiqiy davomi sifatida namoyon bo‘ldi. Xususan, jamiyatni birlashtiruvchi eng muhim tayanch oila va mahalla ekanini alohida ta‘kidlandi. “Tarix davomida qanday og‘ir sinovlarga duch kelmaylik, biz avvalo birlashmagan kuch oldik. Mashhaqqatli kunlarda odamlarimiz, mahalla ahli yelkadosh bo‘lib qiyinchiliklarni yenggan. Oila — oilaga, qo‘shni — qo‘shniga ko‘mak berib yashagan. Biz mana shunday o‘ta noyob qadriyatimizga doimo

